

Jeremy Miles AS/MS

**Gweinidog y Gymraeg ac Addysg
Minister for Education and Welsh Language**



**Llywodraeth Cymru
Welsh Government**

14 Rhagfyr 2023

Jayne Bryant MS
Cadeirydd Y Pwyllgor Plant, Pobl Ifanc ac Addysg

Annwyl Jayne

Diweddariad ymholiad y Pwyllgor i Aflonyddu Rhywiol Rhwng Cyfoedion Ymhlith Dysgwyr Ifanc.

Mewn ymateb i ymchwiliad y Pwyllgor Plant, Pobl Ifanc ac Addysg i aflonyddu rhywiol rhwng cyfoedion ymhlith dysgwyr, ymrwymais i roi'r wybodaeth ddiweddaraf i'r Pwyllgor ym mis Medi 2022, ac yna bob chwe mis wedi hynny, ynghylch niferoedd a chyfrannau'r awdurdodau lleol ac ysgolion sydd ag arweinyddwyr Addysg Cydberthynas a Rhywioldeb yn eu lle.

Mae gan bob gwasanaeth gwella ysgolion rhanbarthol yng Nghymru arweinyddwyr Addysg Cydberthynas a Rhywioldeb yn eu lle. Mae arweinyddwyr Addysg Cydberthynas a Rhywioldeb yn y gwasanaethau gwella ysgolion rhanbarthol ledled Cymru yn cynnig cefnogaeth i ysgolion ac yn darparu a chydlynu dysgu proffesiynol o ansawdd yn eu rhanbarth. Tynnodd Llywodraeth Cymru sylw at bwysigrwydd hanfodol cefnogaeth broffesiynol barhaus i bob agwedd ar Addysg Cydberthynas a Rhywioldeb yn adroddiad blynyddol Cwricwlwm i Gymru ar gyfer y flwyddyn academaidd 2022/23. Yn ystod y flwyddyn academaidd nesaf, bydd Llywodraeth Cymru yn cydweithio â'n partneriaid i sicrhau cyfleoedd cynyddol i ymarferwyr gael gafael ar gymorth ac adnoddau proffesiynol sydd ar gael yn gyhoeddus ac a gaiff eu rhannu ag ysgolion a lleoliadau eraill ledled Cymru.

Mae gan ysgolion y disgrisiwn i drefnu arweinyddiaeth Addysg Cydberthynas a Rhywioldeb yn y ffordd orau i ddiwallu anghenion eu dysgwyr. Mae ysgolion yn gwneud hyn mewn amryw o ffyrdd: mae gan sawl un arweinydd Addysg Cydberthynas a Rhywioldeb dynodedig, ac mae eraill yn arwain drwy dîm lles neu drwy'r uwch dîm arweinyddiaeth, yn arbennig mewn ysgolion llai. Mae'r wybodaeth ddiweddaraf a ddaeth i law Llywodraeth Cymru yn dangos bod dros hanner yr awdurdodau lleol yn disgwyl i ysgolion arwain y maes hwn o'r cwricwlwm trwy ddynodi arweinydd penodol ar gyfer Addysg Cydberthynas a Rhywioldeb ac mae'r rhan fwyaf o'r ysgolion yn yr awdurdodau lleol hyn wedi mabwysiadu'r dull hwn a dynodi arweinydd penodol.

Yn gywir

Jeremy Miles AS/MS

**Gweinidog y Gymraeg ac Addysg
Minister for Education and Welsh Language**